



Fàilte Don Chiad Uan

Le I A MacSuain

Bha mi 'n-dè, tràth sa mhadainn
Gabhail cuairt ri taobh a' chuain,
's e a chunnaic mi air mo thuras
Ach caora dhubh, is i le h-uan.

Uan beag, bòidheach, brèagha,
Is a chlòimh mar shneachda bàn,
's e na laigh' aig taobh a mhàthar
's i ga chumail seasgair, blàth.

Fàilt' ort, chreutair bhig neo-lochdaich:
Thug thu ùrachadh dom chàil:
Fàilt' don earrach – 's tus' a shamhla –
Fàilt' don t-samhradh th' air a shàil.